

۱۹ جمادی الاول سنہ ۱۳۳۶

بازار

۳ مارت سنہ ۳۳۴

سر محوری : مصطفیٰ فوزی

تاریخ تاسیس ۱۳۲۷ سنہ ہجری

سنہ ۵۰ اعتباریہ ممالک شاہانہ ایچون پشین
اولہرق ۵۰ الی آیلنی ۳۰ غروش وممالک
اجنبیہ ایچون ۲۰ فرانقدر .

جریدہ الاصلاح فیہ

شمذیلک ہفتہ دہ بر نشر اولنور

صاحب امتیاز ومدير مسئول حسن کاظم

ملت عثمانیہ۔ امت اسلامیہ ایچون مفید اولان آثار
صحیفہ لر منر آجبقدر درج ایدلمیان اوراق اعادہ ایدلمز.

ادارہ خانہ — استانبول باب عالی جوارندہ
ابوالسعود جادہ سی نوسرہ ۷ اصحاب سراجمانہ
هر ساعت آجبقدر

نوسرہ ۱۳۵

تصوفی ، دینی ، اخلاقی ، ادبی ، سیاسی جریدہ اسلامیہ در

نسخہ سی ۵۰ پارودر

حق بنی انطاق ايدر ، بن حق تقرير ايلرم
سورته آلامه ياهو دلاہ کی عرفانہ باق
فیض مشکات نبوتدن ایدندم اقتباس
نشر انوار ایلدم بومالم امکانہ باق
فوزیا حقدیر بتون هرکوردیکک بوجلولر
کل فقط مرأت پاک احمد ذیشانہ باق

فاتح دراعمان مصطفی فوزی

شئونات

چتہ لک تنکیلی

طرزون تخلیص ایدلدی

حرب مطبوعات قرارگاهندن :
طرزون شهرمن دخی ۲۴ شباط گونی چتہ لک ظلم وشرندن
تخلیص ایدلدی . شهردن کچن امنیت قطعاً شرفه طوغرو فرار
ایدن چتہ لری قول قول تعقیب ایدیور .
۲۲ شباطده دخی قسم اعظمی چتہ ل طرفندن یاقلمش اولان
مالما خانون قصبه سنه کیرلشدر . (ملی)

فینلانڈیا هیئت

فینلانڈیا استقلالی حکومت عثمانیه تبلیغه مأموراً شهرمنه کلش
اولان هیئت مخصوصه بالقان تره نیله شهرمندن مفارقت ایتشلردر .

هیئت مرخصه نك عزیمتی

رومانیا ایلہ عقد اولنه حق مذاکرات صلحه بده حکومت عثمانیه
نامنه مرخص تعیین قلنان خارجیہ ناظری احمد نسیمی بک افندی
اعیان اعضاسندن احمد عزت پاشا ، خارجیہ نظارتی مستشاری رشاد
حکمت بک ، خارجیہ قلم مخصوص مأموریندن امین سعید بک بالقان
تره نیله بکرشه عزیمت ایتشلردر .

آبراهام پاشانک جنازه مراسمی

مجلس اعیان اعضاسندن آبراهام پاشانک جنازه مراسمی بالق بازارنده
کائن ارمی کلیسا سنده اجرا اولنه رقی مراسم مخصوصه ایلہ شیشلییه
نقل واوراده کی عائله مقبره سنه دفن ایدلشدر .
کلیساده اجرا قلنان آیین روحانیده طرف اشرف حضرت
بادشاهیدن متوفای مشارالیهک عائله سنه بیان تعزیه مأمور بیوریلان

یاوران شهریاریدن رضا بک ، صدراعظم پاشا حضرتلری نامنه سریاورلری
عمر بک ، مجلس اعیان رئیس رفعت بک افندی ، رئیس وکیلی عبدالحق
حامد بک ، اعضادن فؤاد پاشا ، علی رضا پاشا ، صالح پاشا ، ابراهیم
بک ، شکری پاشا ، آریستیدی پاشا ، ماوروقورداتو افندی ، آرام
افندی ، آزاریان افندی ، عبدالرحمن بک ، بخور افندی ، دلبر
افندی ، ماوروپانی بک ، مجلس اعیان کاتب عمومیدی بک ، اسوج
سفری ، سفرای دولت علییه دن رفعت پاشا ، نابی بک ، مأمورین
واچانیدن برخیل ذوات معتبره حاضر بولنش ، مجلس عمومی محافظ
بلوکندن برقطعه ایلہ مجلس اعیان پولیس ومستخدمینی طرفندن رسم
احترام اجرا ایدلشدر .

§ آبراهام پاشا ، اولجده یازلدینی وجهله شیخ الوزرا اولوب
۹۳ دن بری اعیان اعضاسندن بولمقده ایدی . آبراهام پاشا ۱۸۳۴
سنه افونجیه سنده تولد ایتدیکنه نظراً وفاتنده ۸۴ یاشنده بولنیوردی .
متوفی ۱۷ یاشنده هندستانه کیدرک ایکی سنه الماس تجارتی ایلہ اشتغال
ایتمش وبعده استانبوله کلهرک سلطان عبدالعزیزک بک زیاده توجهنه
مظهر اولشدی . آبراهام پاشا اسماعیل پاشا فائده سنک خدیویتی حقنده کی
فرمانی قاهره به کنورمش وبوخدمتنه مکافاة اسماعیل پاشا کندیسنه
ایکی میلیون لیرا هدیہ ایتشدر . سلطان عبدالعزیزده بکقوز جهتنده
کندیسنه واسع اراضی بخش ایتدیکندن آبراهام پاشانک ثروتی اوج
میلیون لیرایی تجاوز ایتشدر .

آبراهام پاشا فقرایه بک زیاده معاونت ایتدیکی کی ثروتک برقسینی
بیوک مسامره لر واکانچهلر ترتیبه صرف ایتشدر . بک اوعلنده کی
سرقل دوریان بناسی آبراهام پاشا طرفندن انشا ایتدیرلش ومتوفی
بو بنانک برقاتنده اقامت ایتکده بولنشدی .

حقوق عائله قرارنامه سی مابعد

باب سادس

فصل اول

مهر حقنده در

ماده : ۸۰ مهر یا مهر مسادرکه طرفینک آز وباچوق تسمیه
ایتدکاری مالدر . ویا مهر ملدرکه زوجه نك باباسی طرفندن واولمدینی
تقدیرده بلده سی اهالیسندن اقران وامثالی قادینلرک مهریدر .
ماده : ۸۱ مهر مسانک تماما ویا قسماً تمجیل وتأجیل جازدر .
ماده : ۸۲ مهر مؤجلده برمدت تعیین ایدلش ایسه حلولندن
اول مطالبه یه زوجه نك حق یوقدر . ولوکه طلاق وقوعولش اولسون .
اما زوجک وفاتیه اجل ساقط اولور . مدت تعیین ایدلماش ایسه طلاق ویا
زوجیندن برینک وفاتی وقوعنه قدر مؤجل عد اولنور .